



Մ ՈՒՐՐԵ Յ ԱԿՈՐ

ԱՌԱՋՆՈՐԴԱՆԻՍՏ ՄԱՅՐ Մ ԿԵՂԵՅԻ



ԲԱՐԵԿԵՆՈՒԱՆ ՅԻՍԱԱԿԻ ՊԱՀՈՅ

21 ՆՈՅԵՄԲԵՐ 2021

ԸՆԹԵՐՑՈՒՄ ՄԱՂԱՄԻԱ ՄԱՐԳԱՐԵԻ ԳԻՐՔԷՆ

(3.1-2)

Տ էր Աստուած այսպէս կ'ըսէ. - «Ահա ես իմ պատգամաբերս կը դրկեմ որպէսզի ինձի համար նամբայ պատրաստէ: Եւ ապա Տէրը յանկարծ իր տանարը պիտի գայ. այն Տէրը որ դուք կը փնտոէք, ան՝ որ իմ Ուխտիս աւետաբերն է եւ որուն կը սպասէք, ահա արդէն կու գայ», - կ'ըսէ Ամենակալ Տէրը:

Անոր Գալուստին օրը ո՞վ պիտի դիմանայ, ո՞վ պիտի կարենայ կանգուն մնալ երբ անիկա յայտնուի. որովհետեւ անիկա պիտի գայ քուրայի կրակին պէս, լուացարարներու օճառին նման:

ՊՕՂՈՍ ԱՌԱՔԵԱԼԻ ԿՈՐՆԹԱՅԻՆԵՐՈՒՆ ԳՐԱԾ ԵՐԿՐՈՐԴ ՆԱՄԱԿԷՆ

(6.16-7.1)

Արդարեւ մե՛նք ենք կենդանի Աստուծոյ տաճարը, ինչպէս Աստուած ինք ըսաւ.

«Անոնց մէջ պիտի բնակիմ եւ անոնց հետ պիտի ապրիմ: Ես իրենց Աստուածը պիտի ըլլամ եւ անոնք իմ

ժողովուրդս»:

Ահա թէ ինչո՛ւ Աստուած կը հրահանգէ մեզի.

«Անջատ եւ հեռու կեցէք հեթանոսներէն. պիղծ բաներու մի՛ դպչիք, եւ ես ձեզ պիտի ընդունիմ: Ես ձեզի հայր պիտի ըլլամ եւ դուք իմ տղաքս եւ աղջիկներս պիտի ըլլաք,- կ'ըսէ Ամենակալ Տէրը»:

Սիրելիներ, այս խոստումները մեզի՛ եղած են: Ուստի հեռու մնանք մարմնական եւ հոգեկան ամէն պղծութենէ, մենք մեզ կատարելապէս մաքրենք՝ Աստուծոյ երկիւղովը ապրելով:

ՅԻՍՈՒՍ ՔՐԻՍՏՈՍԻ ԱԻԵՏԱՐԱՆԷՆ ԸՍՏ ՂՈՒԿԱՍԻ

(1.39-56)

Նոյն օրերուն, Մարիամ ճամբայ ելլելով՝ աճապարանքով գնաց Յուդայի լեռնային շրջանի քաղաքներէն մէկը: Հոն Զաքարիայի տունը մտնելով՝ Եղիսաբէթի ողջոյն տուաւ: Երբ Եղիսաբէթ Մարիամի ողջոյնը լսեց, իր որովայնին մէջ երեխան շարժեցաւ, եւ Եղիսաբէթ Սուրբ Հոգիով ներշնչուած՝ բարձրաճայն ըսաւ.

- Կիներուն մէջ օրհնեա՛լ ես դուն եւ օրհնեա՛լ է զաւակը որ կը կրես որովայնիդ մէջ: Ի՛նչ երջանկութիւն, որ Տիրոջս մայրը ինծի կ'այցելէ. որովհետեւ երբ ողջոյնդ լսեցի, երեխաս ուրախութեամբ շարժեցաւ որովայնիս մէջ: Երանի՛ր քեզի որ հաւատացիր, որովհետեւ Աստուծոյ կողմէ քեզի ըստածները պիտի կատարուին:

Մարիամ ըսաւ.

«Տէրը պիտի գովաբանեմ. ահա հոգիս կ'ուրախանայ Աստուծով, իմ Փրկիչովս, որովհետեւ ան տեսաւ իր աղախինին հեգութիւնը: Ասկէ ետք բոլոր սերունդները երանի պիտի տան ինծի, քանի հզօրն Աստուած ինծի համար մեծամեծ գործեր կատարեց. սուրբ է անունը անոր: Բոլոր ժամանակներուն մէջ ողորմութեամբ ան կը նայի աստուածավախ մարդոց վրայ: Իր բազուկով ան զօրութիւն ցոյց տուաւ, ոչնչացուց հպարտները՝ իրենց բոլոր խորհուրդներով: Գ ա հ ա զ ր կ ե ց ա ր ք ա ն ե ր ր եւ բ ա ր ճ ր ա ց ու ց խ ո ն ա ր հ ն ե ր ր : Անօթիները բարիքներով լիացուց, մինչ հարուստները դատարկաձեռն արձակեց: Պաշտպան եղաւ իր ծառային՝ Իսրայէլի, հաւատարիմ մնալով իր ողորմութեան, ինչպէս որ խոստացած էր մեր հայրերուն՝ Աբրահամի եւ անոր զաւակներուն»:

Մարիամ Եղիսաբէթի մօտ շուրջ երեք ամիս մնալէ ետք վերադարձաւ իր տունը:

ՀՈԳԵՀԱՆԳԱՏԵԱՆ
ՁԵՐ ԱՐՁԱՆԱԳՐՈՒԹԻՒՆԵՐՆ
ԱՆՍՕՐՕՔ ԿԱՏԱՐԵՅԷ ԿՊՈՒԷԼՈՎ
ԵԿԵՂԵՅՈՅ ԴԻԻԱՆԱՏՈՒՆ
514 331 5445 x202 ԹԻԻՆ

ՍՈՅԱ ԹԵՐԹԻՎՆ
ՇԱՔԱԹԱԿԱՆ ՀԵՐԹԱԿԱՆՈՒԹԵԱՔ
Ե-ԱՆԱԿՈՎ ԱՏԱՆԱԼՈՒ ՀԱՄԱՐ ԳՐԵՅԷ
eglise@sourphagop.net Ե-ՀԱՅԵՐՆ:

ՎՅԵԼԵՅԷ՛Ք ԵԿԵՂԵՅՈՅՍ
ԴԻԱՏԵՏՐԻ ԷՁՆ
ԵՒ ՁԵՐ ՀԱԻԱՆՈՒԹԻՒՆՆ յԱՅՏԵՅԷ
(like).
www.facebook.com/SourpHagopChurchMontreal

ՎՅԵԼԵՅԷ՛Ք
Ս. ՅԱԿՈՒ ԱՌԱՋԱՐԿԱՆԻՍ ՄԱՐ
ԵԿԵՂԵՅՈՅ ԿԱՔԷՁՆ՝
www.sourphagop.net

ՎՅԵԼԵՅԷ՛Ք
Ս. ՅԱԿՈՒ ԱՌԱՋԱՐԿԱՆԻՍ ՄԱՐ
ԵԿԵՂԵՅՈՅ YouTube ԿԱՅԱՆ՝
ՓԱՏՈՒԼՈՎ
Sourp Hagop Armenian Church